

Headlines

1. मुखमंत्री उमर अब्दुल्ला होरें अज्ज जम्मू दे कन्वेंशन सेंटर च एसआरओ-43 तैहत 153 नियुक्ति पत्र बंडे।
2. मुखमंत्री होरें पच्छिम एशिया च बनी दी स्थिति पर डूंगी चिंता जाहिर कीती ते फौरी तौरा पर संघर्ष विराम लेई गलाया।
3. राईबाई मंत्री जावेद अहमद डार होरें नैहरें-कूलें थमां गार कडुने दे कम्में ते सिंचाई परियोजनाएं दी अमलावरी दी प्रगति दा जायजा लैने लेई इक बैठक दी अध्यक्षता कीती।
4. डिजिटलीकरण ते स्मार्ट टेकनालजी दे इस्तेमाल कन्नै जम्मू दी सार्वजनिक यातायात प्रणाली च खासा सुधार दिक्खने गी लब्बा'रदा ऐ।
5. जम्मू-श्रीनगर राश्ट्री जरनैली शिडक एन.एच-44 पर ल्हास-पस्सियां पौने करी गड्डियें दी आओजाई दौनें बक्खी दा बंद ऐ।

CM Appointment Letters

मुखमंत्री उमर अब्दुल्ला होरें अज्ज जम्मू दे कन्वेंशन सेंटर च एसआरओ 43-94 तैहत 153 नियुक्ति पत्र बंडे। एहू नियुक्तियां हमददीं दी बिनाह पर कीतियां गेइयां न तां जे परोआर गी मदद होई सकै। नौकरी करने आहले मिम्बर दी मौत होई जाने जां फही कुसै होर वजह करी जेकर व्यक्ति नौकरी अगगे नेई करी सकदा तां फही एहू नियुक्तियां होंदियां ना। इस जत्र दा मकसद माली स्थिरता ते नेहू परोआरें गी आजीविका सरबंधी मदद उपलब्ध करोआना ऐ। इस मौके पर बोलदे होई मुखमंत्री उमर अब्दुल्ला होरें आखेआ जे एहू समां शायद खुशिएं दे इस मौके दा नेई होऐ पर एहू क्षण जिम्मेदारी ते मेद दा ऐ।



CM-West Asia

मुख्यमंत्री उमर अब्दुल्ला होंरें पच्छिम एशिया च बनी दी स्थिति पर डूंगी चिंता जाहिर कीती ऐ ते फौरी तौर पर संघश्च विराम लेई आखेआ। उनें आखेआ जे ईरान-अमरीका ते इजराइल बश्कार तौले शांति होनी लोड्चदी। इक कार्यक्रम दे बाहरे पत्रकारें कन्नै गल्ल करदे होई मुख्यमंत्री होंरें आखेआ जे बदा'रदा तनाऽ डूंगी चिंता दा विशे ऐ ते उनें गल्लबात राएं ते संयम बरतिए इस मामले दे हल पर जोर पाया।



Dar-Desilting Works

राईबाई मंत्री जावेद अहमद डार होंरें माली ब'रे 2025-26 लेई सिंचाई नैहरे-कूले थमां गार कडुने दे कम्में ते सिंचाई परियोजनाएं दी अमलावरी दी प्रगति दा जायजा लैने लेई अज्ज इक्क उच्ची सतह दी समीक्षा बैठक दी अध्यक्षता कीती। बैठक च माली ब'रे 2025-26 लेई प्रस्तावित कार्य योजना दा बी जायजा लैता गेआ जेहदा मकसद सिंचाई दे बुनियादी ढांचे गी मजबूत करना ते राईबाई आस्तै पानी दी उपलब्ध च सुधार करना ऐ। कम्में दी प्रगति दा जायजा लैदे होई मंत्री होंरें सरबंधत अफसरें गी निर्देश दित्ता जे ओहू बकाया पेदे ते चला'रदे सबनें कम्में गी तय समें सीमा दे अंदर-अंदर पूरा करी लैन।



JK Traffic Pressure Horns

जम्मू-कश्मीर च ट्रैफिक पुलस नै समूलचे केंद्र शासित प्रदेश च प्रैशर हार्न दे गैर कनूनी इस्तेमाल खलाफ कार्रवाई तेज करी दित्ती ऐ। ट्रैफिक पुलस दे महानिरीक्षक हुंदे निर्देशें पर कार्रवाई करदे होई अधिकारिएं आखेआ ऐ जे सुप्रीम कोर्ट दे हुक्मै तैहत इस चाल्ली दे हॉर्न लाने पर रोक लाई गेदी ऐ ते इस चाल्ली दे हॉर्न लाने पर मोटर गड्डियें सरबंधी कनून दे तैहत जुर्माना लाया जंदा ऐ। अधिकारिएं दस्सेआ जे मल्टी टोन्ड ते ब्हाऊ दे प्रैशर आहले हॉर्नें दा लगातार गलत इस्तेमाल कीता जा'रदा ऐ जेहदे कन्नै ध्वनि प्रदूषण ते लोकें गी असुविधा होआ'रदी ऐ। मोटर चालकें गी अपील कीती गेई ऐ जे ओहू इस चाल्ली दे उपकरणें गी हटाई लैन ते नियमें दा पालन करना प्रमुख थाहें पर विशेष जांच अभियान चलाये जा'रदे न जेहदे च उल्लंघना करने आहलें खलाफ सख्त कार्रवाई कीती जा'रदी ऐ।

Prog. Announcement

आकाशवाणी जम्मू दा क्षेत्रीय समाचार एकांश विश्व सेहत दिवस 2026 दे सिलसिले च कल यानि 7 अप्रैल गी दपैह्री 12 बजे 25एं मिंटे दी इक बशेश परिचर्चा प्रसारित करग जेहदा विशे होग, together for health, stand with science यानि सेहत लेई इकजुट विज्ञान कन्नै खडोना। इस बशेश प्रसारण च स्हाड्डियां परौहिनयां होडन Dietician ते Nutrition expert Dr. Mitali Gupta जेहड्डियां इस विशे पर अपने माहिराना बचार श्रोताएं कन्नै सांझे करडन। कार्जक्रम दी मेजबानी वरिश्ठ समाचार वाचक जगमोहन शर्मा आसेआ कीती जाह्ग।



Jammu-Transport Digitisation

जम्मू दी सार्वजनिक यातायात प्रणाली च डिजिटलीकरण ते स्मार्ट टेकनालजी दे इस्तेमाल कन्नै रोजमर्रा दी आओजाई च जात्तरियें दे अनुभव च सुधार होआ करदा ऐ। जम्मू स्मार्ट सिटी लिमिटेड आसेआ सांझी कीती गेदी इक सोशल मीडिया पोस्ट मताबक बक्ख-बक्ख रस्ते पर हर दिन चलने आहली तकरीबन 100 बसें चा 82 फीसदी यात्री टिकट खरीदने लेई मोबाइल ऐप दा इस्तेमाल करा'रदे ना। काबलेजिक्र ऐ जे कुल सोआरिएं च 72 फीसदी महिलां ना। अधिकारिएं दस्सेआ जे डिजिटल टिकटें राहें ते आधुनिक सरिस्ते गी अपनाने कन्नै कम्मकाज सखल्ला होआ'रदा ऐ। आओजाई च सखाल होई गेई ते कराया कठेरने च पारदर्शिता बी बदी गेई ऐ।



NHW-Closed

270 किलोमीटर लम्मी जम्मू-श्रीनगर राश्ट्री जरनैली शिडक कल राती मगरा बंद ऐ। इस शिडक पर ल्हास-पस्सियां पेई गेदियां हियां जिस करी करोल ब्रिज ते चंद्रकोट बश्कार शिडक बंद होई गेई। आकाशवाणी जम्मू संवाददाता नै ट्रैफिक पुलस दे ह्वाले कन्नै जानकारी दिती ऐ जे भारी मलबे ते पत्थर पौने करी शिडक यातायात लेई असुरक्षित ही जेदे चलदे प्रशासन नै शिडक गी गड्डिएं दी आओजाई लेई बंद करी दिता। एस.एस.पी ट्रैफिक मूजब शिडक गी बहाल करने दा कम्म अज्ज बडुलै शुरू होआ।



Custom Duty Exemption

उद्योग जगत नै सरकार दे केंई महत्वपूर्ण पेट्रोकेमिकल उत्पादें थवां सीमा शुल्क च छूट दे फैसले दी सराहना कीती ऐ। एक्सपोर्ट प्रमोशन काउंसिल फॉर मेडिकल डिवाइसेस दे अध्यक्ष आर एस कंवर होरें आक्खएआ ऐ जे इसदे कन्नै मुद्रास्फीति दा दबा घट्ट होग ते आपूर्ति शृंखला च स्थिरता औग। इसदे कन्नै कच्चे माल दी बददी लागत गी बी नियंत्रित कीता जाई सकग, जिसदे कन्नै चिकित्सा उपकरणें, फार्मास्यूटिकल्स ते पैकेजिंग आस्तै जरूरी सामग्रियें दी उपलब्धता यकीनी होग।



Traffic Violation Kishtwar

ट्रैफिक नियमें दी खलाफवर्जी पर रोक लाने ते शिडक सुरक्षा गी बधाने दे मकसद कन्नै मोटर गड्डियें सरबन्धी मैहकमे नै किशतवाड़ जिले च ट्रैफिक नियमें दी खलाफवर्जी करने आहले 10 चालकें दे डरैवर लसैसैं गी अयोग्य करी दित्ता ऐ। इनें मोटर गड्डी चालकें गी खतरनाक तरीके कन्नै गड्डी चलाने, ओवरलोडिंग, बाइक जां स्कूटर चलांदे होई हेलमेट नेई लाने, मोटर गड्डियें सरबन्धी कनून दी होर दुई उलंघनें च शामिल पाया गेआ। ए.आर.टी.ओ किशतवाड़ तस्लीम वानी होरें इस गल्लै गी फही दोहराया जे मैहकमे आसेआ यात्रिएं दी हिफाजत आस्तै नियमें दी खलाफवर्जी करने आलें खलाफ सख्त कार्रवाई करना जारी रक्खेआ जाह्गं।



Weather

मौसम विभाग नै जम्मू-कश्मीर च कल्लै थमां बुधवार संझा तगर हल्की थमां दरम्याने दर्जे दी बरखा पौने दी पेशगोई कीती ऐ। आकाशवाणी जम्मू संवाददाता दी रिपोर्ट मूजब मौसम विभाग नै इस अवधि दरान उच्चिएं धारें पर बर्फबारी होने दी बी पेशगोई कीती ऐ। जारी संभावना मूजब जम्मू ते कश्मीर खित्ते दी किश थाहरें पर दरम्याने दर्जे थमां भारी बरखा होई सकदी ऐ ते उच्चिएं धारें पर हल्की थमां दरम्याने दर्जे दी बर्फबारी होई सकदी ऐ।

